


Marius Jouveau e Reinié Jouveau

Discours de Capoulié

pèr Mariò-Terèso Jouveau
Majouralo dóu Felibrige



Edicioun Prouvènço d'aro

*De Marius à Reinié Jouveau,
de discours que n'en dison long...*

“Il n'est point besoin du vocabulaire bizarre, compliqué, nombreux et chinois qu'on nous impose aujourd'hui sous le nom d'écriture artiste, pour fixer toutes les nuances de la pensée [...]. Efforçons-nous d'être des stylistes excellents plutôt que des collectionneurs de termes rares”.

Aquelo citacioun de Flaubert (1) s'entrais mai que bèn i discours de Marius e Reinié Jouveau. Aquel estùdi, s'entrevara pamens mai dóu countengut que de la formo, countengut justamen mes en valour pèr la formo claro, preciso e simplo que lis autour sachèron douna à si discours.

Avèn deja agu l'ócasioun de dire (2) que la publicacioun de discours pòu èstre tant interessant coume la publicacioun de courrespoundènci tant de modo à l'ouro de vuei. Nous podon adurre la couneissènço dis ome e tambèn di fach istouri. Coume li sermoun, li discours ié caup l'amo d'un pople e sa civilisacioun.